

ثابرات ويس ثنائين ن بولوس ا ائیسالونیکین

اسدچم

1 بولوس ذ سيلوانوس ذ ثيموثيو، ائسمونت ن ئيسالونيكى ذى ارئى بابائغ ذ سيذى يشو لمسيح. 2 نعيمث ذ رهنا زى ارئى، بابائغ و زى سيذى يشو لمسيح اذ كيوم ايرين.

اقاڏي ذ تراڏجيث

3 ائشووار اذ نفاذا ارئى خاوم رندا، ا اومانن، ام مامش اتريق، مينزى لايمان نوم امقار وئشا ئايرى ن كور اجن زايوم مارا ا ونضني ئارنى تمقار كتار. 4 خ وئىي نئغيش خاوم اطاس ذى ئسمونين ن ارئى خ سبيث ن صبار ذ لايمان نوم ذى مارا امارث ذ رخصارث نوم ائى ئكسيم. 5 مان ايا ذ لبورهان ن رحوكم ائسكذن ن ارئى، اقا نئواحاسبم ئسداهدچم ئاڏلديث ن ارئى نئى ا خف ئكسيم امارث. 6 مينزى ارئى ذ امسكاذ وئىي ا غا ائدچص س رخصارث ا ائى كئبو احصارن، 7 وئشا ا كئبو ائى ائواحصارن س وريخ غار وئسارڏب ن سيذى يشو زڏ وئجنا اڏذ لمالاكاث ن جھذ نس 8 ذى ئمسي ائدوڏوقن، خ مينى ا غا ائناقم ائى وار ائنين شا ارئى ذ ائى وار ائعان رخبار اصبحان ن سيذينغ يشو. 9 انا اذ كسين اودب ن وئلك ا رندا، اذ ايرين كوچن خ وڏم ن سيذى وئخ وئوڏجي ن جھذ نس، 10 خمي ا د غا ياس نئا جيما اذ ائواغوڏجي ذڏ واس نئى ذى مارا امقداسن نس وئشا اذ دايس تبهئن مارا ائى دايس ئومنن، مينزى شهادث نغ ا كئبو نئواقبر س لايمان. 11 زى مان ايا نكسي اوم رمعروف رندا، جيما ارئى نغ اذ كئبو ائسب اذ ئسداهدچم ئاراغيث وئ جيما ارئى نغ اذ اڪمر دايوم س جھذ مارا ارضا ن ئشونى ذ رخدمث ن لايمان، 12 جيما اذ ائواغوڏجي اسم ن سيذينغ يشو دايوم ورا ذ كئبو دايس س نعيمث ن ارئى نغ ذ سيذى يشو لمسيح.

بِنَاذِم ن دَنُوب

2 اَقَا نَتَار زَايُوم، اَ اَوَمَاتِن، خ تَوَاسِيْث ن سِيْذِيْتَنَغ بِشُو لَمَسِيْح ذ وُموِنِي نَغ اَكِيْذَس،
 2 وَاَر تَنْخَرِيْعِم نِيْع تَسْحِيْسِيْم شَا ذَغِيَا، وَاَر اِدْجِي س شَا ن اَرُوْح نِيْع س اِح ن
 وَاوَار نِيْع س اِسْت ن ثِيْرَات اَحْمِي زَايْنِع، اَحْمِي د يُوْسَا وَاَس ن سِيْذِي. 3 وَاَر تَجِّي وُرَا
 ذ اِح اَذ كَنِيُو اِعْوَا س شَا ن وَبْرِيْذ، مِيْنَزِي نَتَا وَاَر د اِيْتِيْس مَغِيْر اَوَارِنِي حَمِي اِ غَا فَعْن
 وَاطَاس زَك وِبْرِيْذ وُشَا اَذ د اِبَان بِنَاذِم ن دَنُوب، اَقَا-ث ذ مِيْس ن تَخْسَارِث، 4 وُتِي
 اِتْمَعَارَن وُ وُتِي اِ غَا اِسْعُوْدَجَن اِحْف نَس خ مَارَا مِيْن اِتْوَاَسْمَان اَرِّي نِيْع رَفَشَعْت ن
 وُعْبَاذ، اَر اِ غَا اِقِيْم ذِي تَاذَارِث اِقْدَسَن ن اَرِّي وُشَا اَذ اِسْتَن اِحْف نَس اَقَا نَتَا ذ اَرِّي.
 5 مَا وَاَر ثُعْقِيْرِم شَا وُيِي نُوغَا-يِي كِيُوْم، اَقَا نِيْع اَوَم-ث؟ 6 مَاشَا رَحُو ثِيَوْضَم تَسْمَن مِيْن ذ
 اِس اِسْبَدَن عَاذ ذَك وِبْرِيْذ حِيْمَا اَذ د اِبَان ذِي رُوْقْث نَس. 7 مِيْنَزِي سَمِيْر ن مِيْن اِدْجَان
 ضِيْدَن تَاوَرَاث اَقَا اِحْدَم رَحُو، مَاشَا وُتِي ث اِسْبَدَن اَقَا-ث ذِيْن اَر اِ غَا اِمَكْسِي زِي
 رُوْسَط. 8 ذِي رُوْقْث نِي اَذ اِضْهَار وُتِي تَبْرَا تَاوَرَاث، وُتِي اِ غَا اِسْهَلَك سِيْذِي بِشُو س
 ثَوَارِيْث ن نَفْس زَك وُقْمُوْم نَس وُشَا اَذ ث اِسْبَضَر س نِيْسِيْقْث ن تَوَاسِيْث نَس. 9 مَاشَا
 ثَوَاسِيْث ن وُتِي تَبْرَا تَاوَرَاث اَم رَحْدَمْت ن شَيْطَان س مَارَا جَهْد ن رَعْجَابِذ ذ رَعْرَمَاث
 ذ لَمُوْعَجِيْزَات اِسْخَارِيْقَن، 10 وُشَا س مَارَا رَعْمَش ن مِيْن وَاَر اِسْكَلْدَن قِيْبَانْش اِنِّي اِ غَا
 اِهْلَكَن، مِيْنَزِي نِيْشِي وَاَر قَبِيْرَن شَا ثَايْرِي ن ثِيْذَت حِيْمَا اَذ تَوَاسَجْمَن. 11 خ وُيِي اَرِّي
 اَذ غَارَسَن-د اِسْكَلْدَن مِيْن ثَن غَا يَارْ غَار وُودَار كَنَار مَاحْنَد اَذ اَمْنَن ذَك وُخَارِيْق، 12 حِيْمَا
 اَذ تَوَاحَكْمَن مَارَا اِنِّي وَاَر يُوْمِيْنَن شَا ذِي ثِيْذَت، مَاشَا اَرْضَان ذِي مِيْن وَاَر اِسْكَلْدَن.

بَدَم نِيْشَان ذِي لَايْمَان وُ ذَك وُسْرَمْد اِ تَكْسِيْم

13 مَاشَا اِشُووَار اَنَغ اَذ خَاوَم نَفَاذَا اَرِّي رِبْدَا، اَ اَوَمَاتِن اِنِّي اِحْف اِعِيْز سِيْذِي، بَلِي اَرِّي
 اَقَا اِحْضَار اِ كَنِيُو زَك وُْمَزَاوُو اِ وُسْنَجْم س ثُوْقَدْسِي زِي اَرُوْح وُ س لَايْمَان ن ثِيْذَت .
 14 اَقَا اِرَاغَا-د خَاوَم اِ مَان اَيَا س رَخْبَار اَصْبَحَان نَغ، حِيْمَا اَذ تَكْسِيْم اَعُوْدَجِي ن سِيْذِي
 بِشُو لَمَسِيْح. 15 خ وُيِي، اَ اَوَمَاتِن، بَدَم نِيْشَان وُشَا طَفْم ذِي ثَبْرَات اِ ذ اَوَم اِتْوَاَسْرَمْدَن
 زَايْنِع، مَا س وَاوَار نِيْع س ثِيْرَا. 16 وُشَا سِيْذِيْتَنَغ بِشُو لَمَسِيْح س اِحْف نَس ذ اَرِّي
 بَابَاثْنِع، وُتِي ذَا نَغ اِحْسَن ذ وُتِي ذَا نَغ اِوْشَن اَفُوْج اِ رِبْدَا ذ وُيْسِيْم اِشْنَان س نِيْعْمَت،
 17 اَذ اِسْتَفُوْج وُرَاوَن نُوْم وُشَا اَذ كَنِيُو اِسْتَجْهَد ذِي مَارَا رَحْدَمْت ذ وَاوَار اَصْبَحَان.

ثوثران بولوس ماخذ اذ اس كسين زمعروف

3 الحاسول، اؤمائن، كسيم اَنع زمعروف جيما اوارن سيذي اذ د اِنغ ذغيا و اذ اِثواسعودچ اَم مامش ثوغا اِمسار جاروم عاوذ² وُ جيما اذ نثواسنجم زك اِوذان وار اِخرين اِغفانن، مينيزي لايمان وار اِذجي غار مارا³. ماشا اِربي ذ اصديق وني ذ اوم اِغا اِسجهذن وُشا اذ كنيو اِصار زك وُغفان. ماشا نشين نتيق ذي سيذي بلي مين خف نوصا كنيو، اقا تئكم ث وُشا اذ تقيمن تئكم ث. اذ اِنده سيذي وُراون نوم غار ثايري ن اِربي ذ صبار ن لمسيح.

اعرام زك اِتي اِكورن تبرا وُستف

6 ماشا نوصا كنيو، اؤمائن، ذك اِسم ن سيذي يشو لمسيح، اذ تَحيدم اِكور وُما اِ اِكورن تبرا اُستف، وار اِذجي علاحساب ثبارث اِ اِكسين زانينغ. اقا كنيو تَسنم مامش اِشووار اذ انغ صُفارن، مينيزي نشين وار نُويور جاروم تبرا اُستف⁸ وُشا وار نشي اِغروم اَك-ذ حد باطر، ماشا س رُخدمت ذ ثامارا ثوغانغ نخدم دجيرت ذ واس جيما وار د نتيس نضقرخ شان اِجن زايوم. وار اِذجي مينيزي وار غارنغ تسريح اِمان ايا، ماشا جيما اذ نك اِخف نغ ذ لمانثال اِغا تَضفارم. ¹⁰ مينيزي رايمي ثوغانغ ندجا اِكيذوم، اقا نوصا اُمو: مارا حد وار اِخس اذ اِخدم، وار اِتت عاوذ. ¹¹ مينيزي نسرا اقا زين شا جاروم اِتي اِكورن تبرا اُستف اَم وار خدمن شا، ماشا تَكن مين وار اِسكوين. ¹² اقا نُومور وُ نزيار اِوذان اَم بينا ذي سيذي يشو لمسيح جيما اذ خدمن ذي رهوذنت، اذ سن اِغروم نسن. ¹³ ماشا كنيو، اؤمائن، وار ثوجيرم شا ماخذ اذ تَكم مين اِشان. ¹⁴ ماشا مارا شان اِجن وار اِطاع اِ اووار نغ اِ يوران ذي ثبارث-ا، اِرشم ث، وار تَخدچضم اِكيس، جيما اذ اِذور اِصضحا، ¹⁵ ماشا وار ث تَحسبم ذ رعذو ماشا ندهم ث غار وِبريد اَم اِجن ناوماث.

اوار ذ وُسدچم اَنكارو

16 سيذي ن رهنا سيمانت نس اذ اوم اِوش رهنا نس اِ رندا خ مارا اِغزديسن. سيذي اذ بير ي اِكيذوم مارا. ¹⁷ اِج ن وُسدچم س وُفوس اِنو، بولوس. ثا ذ رعرامث ن كور ثابرات. اُمو اذ وُريغ. ¹⁸ تيعمث ن سيذيثنغ يشو لمسيح اذ كيوم ثيري. امين.